



## CYNGOR RHONDDA CYNON TAF

Cofnodion cyfarfod rhithwir y Pwyllgor Trwyddedu a gynhaliwyd ddydd Mawrth, 30 Ionawr 2024 am 5.00pm.

Cafodd y cyfarfod yma ei ffrydio'n fyw ac mae manylion i'w gweld [yma](#).

### Cynghorwyr y Fwrdeistref Sirol:-

Y Cynghorydd A Fox (Cadeirydd)

Y Cynghorydd G Stacey    Y Cynghorydd S Bradwick  
Y Cynghorydd L Ellis    Y Cynghorydd W Hughes  
Y Cynghorydd M Powell    Y Cynghorydd A O Rogers  
Y Cynghorydd J Turner    Y Cynghorydd T Williams

### Swyddogion oedd yn bresennol

Ms R Hope, Pennaeth Diogelu'r Cyhoedd a Gwasanaethau Rheoleiddio  
Mr M Owen, Rheolwr Trwyddedu Cynorthwyol  
Ms K Trilloe, Rheolwr Diogelu Iechyd a Thrwyddedu  
Mr O Williams, Uwch Gyfreithiwr – Materion Ymglyfreitha

#### 46 YMDDIHEURIADAU AM ABSENOLDEB

Daeth ymddiheuriad am absenoldeb gan Gynghorydd y Fwrdeistref Sirol G Holmes.

#### 47 DATGAN BUDDIANT

Yn unol â Chod Ymddygiad y Cyngor, ni wnaethpwyd unrhyw ddatganiadau mewn perthynas â'r Agenda.

#### 48 DEDDF HAWLIAU DYNOL A'R DDEDDF TROSEDD AC ANHREFN

**PENDERFYNWYD** nodi pan fydd Aelodau'n trafod y materion trwyddedu a chofrestru sydd ger eu bron, mae dyletswydd arnyn nhw i beidio â gweithredu mewn modd sy'n anghydnaws â'r confensiwn ar Hawliau Dynol a'r Ddeddf Trosedd ac Anhrefn.

#### 49 COFNODION

**PENDERFYNWYD** cymeradwyo cofnodion y cyfarfod a gynhaliwyd ar 12 Rhagfyr, 2023 yn rhai cywir.

**50 TRAFOD TRWYDDEDAU A CHOFRESTRIADAU A GYHOEDDWDYD O DAN DDARPARIAETH PWERAU DIRPRWYEDIG AR GYFER Y CYFNOD: 27.11.2023 - 14.01.2024**

Cyflwynodd Pennaeth Diogelu'r Cyhoedd a Gwasanaethau Rheoleiddio fanylion trwyddedau a chofrestriadau a gyhoeddwyd yn ystod y cyfnod rhwng 27 Tachwedd 2023 a 14 Ionawr 2024 i'r Aelodau.

**51 TRAFOD Y CYNNIG I EHANGU DARPARIAETHAU MASNACHU AR Y STRYD**

Rhoddodd Pennaeth Diogelu'r Cyhoedd a Gwasanaethau Rheoleiddio amlinelliad o'r adroddiad, sy'n ceisio cymeradwyaeth yr Aelodau mewn egwyddor ynghylch mabwysiadu darpariaethau pellach i reoli masnachu ar y stryd.

Cafodd Aelodau wybod bod y Cyngor wedi gweithredu darpariaethau masnachu ar y stryd yng nghanol tref Pontypridd ym mis Rhagfyr 2009. Cafodd y rhain eu hehangu yn 2011 i gyflwyno parthau gwahardd er mwyn rheoli masnachu ar y stryd o fewn radiws o 500 metr i Ysgol Sirol Cymuned y Porth ac Ysgol Gyfun Treorci.

Cafodd y cynllun ei gyflwyno yn wreiddiol yn dilyn cwynion am fasnachwyr bwyd heb eu cofrestru, arferion hylendid bwyd gwael, sbwriel a phroblemau o ran aroglau ym Mhontypridd. Hefyd, penderfynwyd ehangu'r darpariaethau i ardaloedd o amgylch ysgolion yn dilyn pryderon a godwyd gan yr Heddlu ynghylch masnachwyr stryd yn rhwystro palmentydd ac yn achosi peryglon o ran y traffig a hefyd gan fod Penaethiaid wedi codi pryderon bod y gwerthwyr yn cynnig bwydydd braster uchel a oedd yn tanseilio ymdrechion yr Awdurdod i wella diet pobl ifainc.

Nodwyd bod Adran 3 o Ddeddf Llywodraeth Leol (Darpariaethau Amrywiol) 1982 yn caniatáu i'r Cyngor fabwysiadu Atodlen 4 o'r Ddeddf, sy'n datgan 'A district Council may by resolution designate any street in their district as a prohibited street, a licence street, or a consent street'.

Yn rhan o adroddiad i'r Pwyllgor Trwyddedu ar 5 Mehefin 2007, cafodd yr Aelodau wybod y cyfeiriwyd at gyfarfod a gynhaliwyd ar 12 Mawrth 2007 lle trafodwyd adroddiad oedd yn amlinellu'r opsiynau a bod yr holl opsiynau yn cael eu hystyried, a phenderfynwyd mai'r caniatâd mwyaf hyblyg ac addas oedd strydoedd caniatâd.

Yn ogystal â hyn, cynhaliwyd cyfarfod ar 12 Mawrth 2007 a phenderfynwyd er nad oes hawl i apelio yn erbyn penderfyniad i wrthod rhoi/adnewyddu neu ddirymu caniatâd o'r fath, ei bod yn arfer da ac yn cydymffurfio â'r Confensiwn Hawliau Dynol i gynnig darpariaeth o'r fath. Felly bydd ymgeiswyr tramgwyddedig yn cael cyfle i gyflwyno sylwadau i'r Pwyllgor Trwyddedu.

Cafodd Aelodau wybod y cynigir nad yw'r darpariaethau masnachu ar y stryd yn gyfyngedig i werthwyr bwyd yn unig; mae'n berthnasol i fathau eraill o weithgareddau masnachu ar y stryd. Mae rhestr o weithgareddau eithriedig, nad ydyn nhw'n cael eu hystyried yn weithgareddau Masnachu ar y Stryd wedi'i chynnwys yn yr adroddiad. Yn ogystal â hyn, mae 88 o fasnachwyr bwyd symudol wedi cofrestru gyda Chyngor RhCT (adeg ysgrifennu'r cofnodion yma), felly nid yw hyn o reidrwydd yn golygu bod pob un o'r 88 yn masnachu yn RhCT. Yn yr un modd, mae'n bosibl y bydd rhai masnachwyr bwyd symudol wedi cofrestru gydag awdurdodau lleol eraill ond yn masnachu yn RhCT. Fydd ehangu'r ddarpariaeth bresennol ddim yn berthnasol i bob un o'r busnesau yma gan eu bod nhw'n masnachu y tu allan i'r Fwrdeistref neu gan nad ydyn nhw'n masnachu'n aml, yn ogystal â hyn does dim busnesau sy'n masnachu ar hyn o bryd sydd angen caniatâd i fasnachu.

Cynigir hefyd bod y ddarpariaeth bresennol yn cael ei hehangu i gynnwys pob rhan o GBSRhCT a bydd adolygiad o'r amodau presennol yn ceisio gwella safon y busnesau bwyd presennol. Hefyd, cynigir y gall y busnesau hynny sydd â sgôr hylendid bwyd o 3, (boddhaol neu uwch), wneud cais am ganiatâd i fasnachu.

Yn ogystal â hynny, bydd ehangu'r darpariaethau presennol ledled y Fwrdeistref yn cynnig system hyblyg i'r Awdurdod Lleol a fydd yn cynnwys y masnachwyr hynny y tu hwnt i'r Fwrdeistref sy'n masnachu'n anaml. Hefyd, fyddai ehangu'r cynllun ddim yn effeithio ar y Cynllun Celfi Stryd yng Nghanol Trefi Aberdâr a Phontypridd.

Nodwyd bod y broses o roi caniatâd i fasnachu yn gyfrifoldeb ar y Garfan Drwyddedu - Iechyd a Diogelwch y Cyhoedd, maen nhw'n cael eu cefnogi gan swyddogion y Garfan Bwydydd, Iechyd a Diogelwch ynghyd â charfanau'r Priffyrdd a Gofal y Strydoedd. At hynny, mae yna ffi sy'n gysylltiedig â'r broses o roi caniatâd i fasnachu, ac mae hyn yn talu am y broses weinyddol. Hefyd, nid yw'r ffioedd yn statudol ac maen nhw'n amodol ar gynnydd blynyddol yn unol â pholisi'r Cyngor mewn perthynas â ffioedd a thaliadau.

Rhoddodd Pennaeth Diogelu'r Cyhoedd a Gwasanaethau Rheoleiddio wybod bod yr argymhellion yn deillio o bryderon a godwyd ynghylch masnachwyr bwyd symudol yn gweithredu yn y Fwrdeistref Sirol, a bydd ehangu'r darpariaethau cyfredol yn darparu trefn reoleiddio gyfartal i bob masnachwr symudol ac yn cynorthwyo swyddogion yr Awdurdod Lleol wrth sicrhau cydymffurfiaeth a gwella safonau cyffredinol, gan dawelu meddwl trigolion CBSRhCT.

Ar ôl i'r Pwyllgor drafod yr adroddiad **PENDERFYNWYD**;

- (i) Derbyn y cynigion sydd wedi'u nodi yn yr adroddiad drafft i ehangu'r darpariaethau 'caniatâd' masnachu ar y stryd yng Nghanol Tref Pontypridd a roddwyd gan Ddeddf Llywodraeth

Leol (Darpariaethau Amrywiol) 1982, i gynnwys pob ardal ledled RhCT ond i gadw'r strydoedd gwaharddedig yn Nhreorci a'r Porth.

- (ii) Cymeradwyo cyhoeddi hysbysiad am y penderfyniad drafft yn unol â'r gofynion statudol, er mwyn cynnal ymgynghoriad â'r fasnach.
- (iii) Awdurdodi Cyfarwyddwr Iechyd a Diogelwch y Cyhoedd, a Gwasanaethau Cymuned, mewn ymgynghoriad â Chyfarwyddwr y Priffyrdd, Gofal y Strydoedd a Gwasanaeth Trafnidiaeth, i lunio a chyhoeddi'r penderfyniad drafft gofynnol i ehangu darpariaethau masnachu strydoedd 'caniatâd' a roddir gan Ddeddf Llywodraeth Leol (Darpariaethau Amrywiol) 1982, i bob ardal ledled CBSRhCT.

## **52 TRAFOD CADARNHAU'R CYNNIG ISOD YN BENDERFYNIAD:**

**PENDERFYNWYD** bod y cyfarfod hwn yn cadw aelodau o'r wasg ac aelodau o'r cyhoedd allan o ystafell y cyfarfod, dan Adran 100A(4) o Ddeddf Llywodraeth Leol 1972 (fel y'i diwygiwyd), yn ystod trafod yr eitem nesaf, ar y sail y byddai'n debygol o olygu datgelu gwybodaeth eithriedig yn ôl diffiniad paragraff 13 o Ran 4 o Atodlen 12A o'r Ddeddf.

## **53 CRYNODEB O'R TRWYDDEDAU A GYHOEDDWDYD O DAN DDARPARIAETH AWDURDOD DIRPRWYEDIG AR GYFER Y CYFNOD: 27.11.2023 - 14.01.2024**

Rhannodd Pennaeth Diogelu'r Cyhoedd a Gwasanaethau Rheoleiddio adroddiad â'r Aelodau'n amlinellu'r Trwyddedau a/neu Gofrestriadau a gafodd eu rhoi o dan ddarpariaeth Awdurdod Dirprwyedig ar gyfer y cyfnod 27 Tachwedd 2023 i 14 Ionawr 2024.

**PENDERFYNODD** y Pwyllgor nodi'r diweddariad.

## **54 CRYNODEB GORFODI (GAN GYNNWYS DATA APELIADAU/ERLYNIADAU) AR GYFER Y CYFNOD: 27.11.2023 - 14.01.2024**

Cyflwynodd Pennaeth Diogelu'r Cyhoedd a Gwasanaethau Rheoleiddio'r adroddiad yn amlinellu'r gwaith gorfodi diweddaraf, gan gynnwys y diweddaraf am apelïadau ac erlyniadau ar gyfer y cyfnod rhwng 27 Tachwedd 2023 a 14 Ionawr 2024.

**PENDERFYNODD** y Pwyllgor nodi'r diweddariad.

**Daeth y cyfarfod i ben am 5.23pm**

**Y Cyngorydd A Fox  
Cadeirydd.**

